

太上九真妙戒金籙度命拔罪妙經

爾時元始天尊在九清妙境三元宮中御三  
炁之華寶雲玉座鸞林之下與諸大聖太上  
道君太上老君九皇上真飛天大聖妙行真  
人四司五帝天龍神鬼無鞅數衆一時同會

劫仞寶臺十方衆皆駕五色瓊輪八景琅  
與玄靈翠節飛雲素蓋麟駕羽軒龍旂鳳葆  
獅子白鶴滿歌邕邕燒香散花遊空飛步誦  
詠洞章朝讚

天尊總校圖籙拔度諸苦時三元上官光明  
照耀洞朗太空靈都紫微輝映十方下及無  
極境界長夜九幽地獄之中善惡命根光中  
煥然一切玄司無不照耀一天官皆見元  
始天尊與諸大衆敷弘至妙開化人天標記  
善功注名黃籙金格玉簡陳列

三清一一地獄之中皆見十方救苦天尊入  
於九幽拔度諸苦救命北帝三官九府百二  
十曹五帝考官察命童子司命司錄司功司  
殺土皇九壘及四明公賓友僚屬五嶽據吏  
執罰神兵巨力士天驕甲卒牛頭獄吏威

劍神王三界大魔九億鬼王皆集九幽地獄  
之中同裏教戒爾時鄴都北帝及諸鬼官咸  
皆震悚各作是念我等積罪身為鬼官統御  
冥司常居黑暗動經億劫不見光明今日何  
緣忽感上聖威光明耀普照重昏啟有啓問

懷疑未敢爾時普掠獄中有諸罪人名入黑  
簿牛頭獄平驅上刀山皆悉身首爛壞五體  
零落其中獨有一人循山上下逐樹高低履  
鋒踐刃無一傷損所有刃戟變成蓮花爾時  
北帝心大驚怖稽首禮謝上白天尊弟子先

緣不辜身任冥司自處鄴都已經億載屢見  
罪人受諸苦惱亦見東方風雷之獄常有黑  
風震雷霹靂飛戈飄戟衝突罪人分散肢體  
穿穴五臟萬劫受苦不捨晝夜又見南方火  
翳之獄有諸罪人吞火食炭為火所燒頭面

焦燎頭戴火山皮膚骨肉節節生火萬劫受  
苦不捨晝夜又見西方金剛之獄有諸罪人  
金鏈鐵杖亂拷無數肢體爛壞筋骨零落鐵  
叉穿腹金鏈塞心萬劫受苦不捨晝夜又見  
北方溟泮之獄有諸罪人沈沒丘寒之池水

戰霜刃衝斷筋骨百毒之汁以灌其上五體  
零落心腹破壞萬劫受苦不捨晝夜又見中  
央普掠之獄有諸罪人身被拷掠痛毒難忍  
斷筋流血悶絕擲地於是獄卒方以鐵叉又  
刺令諸罪人各各巡上刀山劍樹八達交風

吹樹低昂足履刀山掛身劍鈎萬劫受苦不  
捨晝夜又見東南方銅柱之獄有諸罪人身  
上銅柱大火猛皎令諸罪人手抱足登表裏  
焦爛腹背膿潰萬劫受苦不捨晝夜又見西  
南方屠割之獄有諸罪人身被倒懸刀劍割

體四肢筋脉皮膚五臟皆有刀刃割切其中  
罪人血流滿地非可堪忍萬劫受苦不捨晝  
夜又見西北方火車之獄有諸罪人五車裂  
體四肢分散或身處火車東西南北一一車  
輪皆有刀刃隨輪運轉割切罪人如諸猛火

燒炙焦爛萬劫受苦不捨晝夜又見東北方  
鑊湯之獄有諸罪人身被鐵叉又入鑊湯五  
體煮潰四肢潰爛膿血臭穢不可堪忍萬劫  
受苦不捨晝夜未嘗今此罪人以何因緣循  
上刀山劍樹了無傷損刀戟鋒刃變成蓮花

三

三

相好端嚴獨步無畏衆苦所加莫能害者忽感上聖迴駕天真降集一切震懼莫能所知惟願天尊大慈大悲普濟普度今諸九幽受苦衆生拔除衆罪自識宿命捨惡從善得出九幽身處光明輪轉福報長得解脫永離三陰爾時九幽地獄衆生聞是北帝廣爲啓請心生悔過願求拔罪舉聲悲呼響振梵天於是十方救苦天尊大悲觀心普及一切度身威光假六道慧命諸罪人閉目靜思俄頃之間自識宿命各明了生存之日造諸惡業或手弑君父不孝二親或誹謗大道背其就偽或殘傷兄弟謀反師尊或六親通同淫犯骨肉或爲劫賊殺害人命或屠割衆生自饒一身或以疆凌弱以貴虐賤或浮好三寶執心不專或輕慢法師穢賤靈文或心懷陰賊安忍嫉妬或惡口兩舌闢亂善人或殺生淫祀裸露三光或心生或口語或自作或教他積劫以來所有諸罪一時頓憶各各明了倍增悲憫願求解脫

天尊普告四衆汝等諦聽此諸罪人曠劫已

太上九真妙戒金籙度命拔罪妙經

來不信經教惟罪是修惡惡相牽滿滿罪定遂使名書惡薄身沒九幽淪滯三塗未應解脫賴於其中有此一人生存之時曾立九幽大齋受持金籙白簡九真妙戒標名金格列字玉清德重功高感通上界我以神力隨念救護今當普宣禁戒絕諸惡根咸使汝等一時解脫爾時北帝聞是說已心大歡喜不勝踴躍瞻仰尊顏而作頌曰

善哉元始尊 衆生慈父母 傾光紫微宮 曲映九幽戶 裁我丘寒庭 迴照廓水浦 炎炎烈火燄 霈然灑法雨 圓通大衆智 常善濟衆苦 技度長夜魂 今得稽首禮 爾時北帝說是頌已諸天大衆同聲稱善鈞天伎樂萬種互作幢蓋香花塵覆一切於是元始天尊復告四衆汝等諦靜念在心吾當爲汝顯說九真妙戒金籙白簡受持功德後難濟苦神力難思衆靈稽首伏受教命

天尊告曰

一者克勤忠於君主 二者敬讓孝養父母 三者不殺慈救衆生 四者不淫正身處物

五者不盜推養損己 六者不嗔克怒凌人 七者不詐誦賊害善 八者不僞傲忽至真 九者不二奉戒專一



元始符命金籙白簡救苦真符告下十方無極世界三官九府百二十曹五帝考官九幽地獄巨天力士執領神兵司錄司命司功司殺牛頭獄卒三界大魔拔度亡過某靈魂出離地獄永辭長夜覩見光明萬罪蕩除克仇和釋承此九真妙戒拔度功德上生天堂一如告命風火驛傳

太歲 年某月某朔某日齋壇告下



元始符命金籙白簡長至靈符告下南方丹  
 天世界朱陵天府南昌上官長生大君韓君  
 司馬司命司錄延壽益算度厄尊神迴骸起  
 死監生大神超度亡過某靈魂上登朱官流  
 火之庭玉眸煉質黃華蕩形書名紫冊受化  
 更生承此金籙度命功德時刻昇遷一如告  
 命風火驛傳

太歲 年某月某朔某日齋壇告下  
 汝等若能受持金籙白簡九真妙戒長生靈  
 符救苦真符當消九幽大罪標名九官察命  
 童子謹戒威神五帝直符六官掾吏自當隨  
 逐簡文覆護受戒弟子天享又曰若有國土  
 兵災不息疫毒流行是其國主后妃太子王  
 公及以兆庶亦當修設九幽大齋各各受持  
 九真妙戒金籙寶符兵災靜息妖惡自屏天  
 人稱悅忻國太平若在山林曠野為虎狼猛  
 獸之所奔突便當寧心存思金簡靈符察命  
 童子受戒法師護法神王猛獸自退終不害  
 已若入大海遭遇惡風亦當存念風浪靜息

得達於岸若在軍陣白刃之中亦當存念兵  
 仗伏匿不有害傷若在牢獄枷鎖之中亦當  
 存念寬枉自伸必得解脫若為邪精鬼賊眾  
 苦所纏亦當存念鬼魅消滅自然瘳愈若人  
 命過應入九幽名書黑簿夫妻男女門人同  
 學當為亡人立九幽大齋書名白簡為受九  
 真妙戒燒除黑簿彼諸罪人應時解脫魂昇  
 九天因緣輪轉得為九官真人天享又曰金  
 籙妙戒長生靈符威禁至重若能如法修行  
 其福無量若復有人起心誹謗生輕慢想當  
 知此人積惡萬劫罪障深重名書惡簿身沒  
 鬼官命過之後必當淪陷九幽地獄備受諸  
 苦綿綿長夜不可解脫設復有人初雖信受  
 後起慢心察命童子奏上三官削除金簡注  
 名死錄或在見世身受惡病蟲癩癰疽人所  
 棄擲求生不得求死不得憂惱自煎無由解  
 脫或復長被橫惡所加或犯王法或犯刀兵  
 或犯虎狼或犯水火或犯惡人口舌咒詛室  
 家不和門族起爭冤家牽引一失真道長淪  
 惡趣是故汝等依科遵奉勿生異念官書男  
 婦

十六

女咸使聞知是時北帝及諸四眾九幽罪人  
 聞是說已心開悟解各生喜念眾苦消釋身  
 心泰然皆發道意性不退轉是時九幽黑簿  
 一時焚燼火山息滅水池靜波吞火食炭化  
 為甘露金鉞鐵杖變成蓮花飛空平虛而作  
 頌曰  
 稽首無上道 歸心元始尊 至真妙應主  
 開化飛玄門 妙戒怡五靈 金書警萬神  
 察命定錄籍 靈符度苦魂 乘雲朝玉帝  
 齊拜玄中人

太上九真妙戒金籙度命拔罪妙經終